

金華方卷第二

本草上

宋朝奉郎守太常少卿充秘閣校理林億等校正
明翰林院檢討國史纂修官王肯堂重校
內閣撰文中書舍人加四級金匱華希閔校刻

玉石部上品

玉石部中品

玉石部下品

草部上品之上

草部上品之下

草部中品之上

草部中品之下

論曰金石草木自有本經而條例繁富非淺學近識所能悟之忽逢事逼豈暇披討所以錄之于卷附之於方使忠臣孝子忽遽之際造次可見故錄之以冠篇首焉

玉石部上品二十二味

玉泉

玉屑

丹砂

空青

綠青

曾青

白青

扁青

石膽

雲母

石鍾乳

朴硝

消石

芒硝

礬石

骨石

紫石英

白石英

五石脂

太一飴糖

禹餘糧

石中黃子

玉泉味甘平無毒主五臟百病柔筋強骨安魂魄長
肌肉益氣利血脉療婦人帶下十二病除氣瘰明耳
目久服耐寒暑不饑渴不老神僊輕身長年人臨死
服五斤死三年色不變一名玉札生藍田山谷採無
時

玉屑味甘平無毒主除胃中熱喘息煩滿止渴屑如
麻豆服之久服輕身長年生藍田採無時

丹砂味甘微寒無毒主身體五臟百病養精神安魂

魄益氣明目通血脉止煩滿消渴益精神悅澤人面
殺精魅邪惡鬼除中惡腹痛毒氣疥癩諸瘡久服通
神明不老輕身神僊能化爲永作末名真采光色如
雲母可析者良生符陵山谷採無時

空青味甘酸寒大寒無毒主青盲耳聾明目利九竅
通血脉養精神益肝氣療目赤痛去膚腎止淚出利
水道下乳汁通關節破堅積久服輕身延年不老令
人不忘志高神僊能化銅鐵鉛錫作金生益州山谷
及越雋山有銅處銅精薰則生空青其腹中空三月
中旬採亦無時

經青味酸寒無毒主益氣療熱鼻止洩痢生山之陰
火中色青白

曾青味酸小寒無毒主目痛止淚出風痺利關節通
九竅破癥堅積聚養肝膽除寒熱殺白蟲療頭風腦
中寒止煩渴補不足盛陰氣久服輕身不老能化金
銅生蜀中山谷及越嶲採無時

白青味甘酸鹹平無毒主明目利九竅耳聾心下邪
氣令人吐殺諸毒三蟲久服通神明輕身延年不老
可消爲銅劍辟五兵生豫章山谷採無時

偏青味甘平無毒主目痛明目折跌癰腫金瘡不瘳

破積聚解毒氣利精神去寒熱風痺及丈夫莖中百
病益精久服輕身不老生朱崖山谷武都朱提採無
時

石膽味酸辛寒有毒主明目目痛金瘡諸癰瘰女子
陰蝕痛石淋寒熱崩中下血諸邪毒氣令人有子散
癥積欬逆上氣及鼠瘻惡瘡鍊餌服之不老久服增
壽神僊能化鐵爲銅成金銀一名畢石一名黑石一
名碁石一名銅勒生羗道山谷羗里句青山二月庚
子辛丑日採

雲母味甘平無毒主身皮死肌中風寒熱如在車船

上除邪氣安五臟益子精明目下氣堅肌續齒補中
療五勞七傷虛損少氣止痢久服輕身延年悅澤不
老耐寒暑志高神僊一名雲珠色多赤一名雲華五
色具一名雲英色多青一名雲液色多白一名雲砂
色青黃一名磷石色正白生太山山谷齊廬山及琅
邪北定山石間二月採

石鍾乳味甘溫無毒主咳逆上氣明日益精安五臟
通百節利九竅下乳汁益氣補虛損療腳弱疼冷下
焦傷竭強陰久服延年益壽好顏色不老令人有子
不鍊服之令人淋一名公乳一名廬石一名夏石生

少室山谷及太山採無時

朴硝味苦辛寒大寒無毒主百病除寒熱邪氣逐六
腑積聚結固留癖胃中食飲熱結破留血閉絕停痰
痞滿推陳致新能化七十二種石鍊餌服之輕身神
僊鍊之白如銀能寒能熱能滑能澀能辛能苦能鹹
能酸入地千歲不變色青白者佳黃者傷人赤者殺
人一名消石朴生益州山谷有鹹水之陽採無時
消石味苦辛寒大寒無毒主五臟積熱胃脹閉滌去
蓄結飲食推陳致新除邪氣療五臟十二經脉中百
二十疾暴傷寒腹中大熱止煩渴利小便及婁

二種石一名芒消生益州山谷及武都隴西西羌採
無時

芒消味辛苦大寒主五臟積聚久熱胃閉除邪氣破
留血腹中痰實結搏通經脈利大小便及月水破五
淋推陳致新生於朴消

礬石味酸寒無毒主寒熱洩痢白沃陰蝕惡瘡目痛
堅骨齒除固熱在骨髓去鼻中息肉鍊餌服之輕身
不老增年岐伯云久服傷人骨能使鐵爲銅一名羽
礬一名羽澤生河西山谷及隴西武都石門採無時

滑石味甘寒大寒無毒主身熱洩瀉女子乳難癰閉
利小便蕩胃中積聚寒熱益精氣通九竅六腑津液
去留結止渴令人利中久服輕身耐饑長年一名液
石一名共石一名脫石一名番石生赭陽山谷及太
山之陰或掖北白山或卷山採無時

紫石英味甘辛溫無毒主心腹欬逆邪氣補不足女
子風寒在子宮絕孕十年無子療上氣心腹痛寒熱
邪氣結氣補心氣不足定驚悸安魂魄填下焦止消
渴除胃中久寒散癰腫令人悅澤久服溫中輕身延
年生太山山谷採無時

白石英味甘辛微溫無毒主消渴墮胎不足氣逆
膈間久寒益氣除風濕痺療肺痿下氣利小便補五
臟通日月光久服輕身長年耐寒熱生華陰山谷及
太山大如指長二三寸六向如削白澈有光其黃端
白稜名黃石英赤端名赤石英青端名青石英黑端
名黑石英二月採亦無時

青石赤石黃石白石黑石脂等味甘平主黃疸洩痢
腸澼膿血陰蝕下血赤白邪氣癰腫疽痔惡瘡頭瘍
疥癢久服補髓益氣肥健不饑輕身延年五石脂各
隨五色補五臟生南山之陽山谷中

青石脂味酸平無毒主養肝膽氣明目療黃疸洩痢
腸澼女子帶下百病及疽痔惡瘡久服補髓益氣不
饑延年生齊區山及海岸採無時

赤石脂味甘酸辛大溫無毒主養心氣明目益精療
腹痛洩澼下痢赤白小便利及癰疽瘡痔女子崩中
漏下產難胞衣不出久服補髓好顏色益智不饑輕
身延年生濟南尉陽及太山之陰採無時

黃石脂味苦平無毒主養脾氣安五臟調中大人小
兒洩痢腸澼下膿血去白蟲除黃疸癰疽蟲久服輕
身延年生嵩高山色如鶯雛採無時

白石脂味甘酸平無毒主養肺氣厚腸補骨髓療月
臟驚悸不足心下煩止腹痛下水小腸澀熱澹便膿
血女子崩中漏下赤白沃排癰疽瘡痔久服安心不
饑輕身長年生太山之陰採無時

黑石脂味鹹平無毒主養腎氣強陰主陰蝕瘡止腸
澀洩痢療口瘡咽痛久服益氣不饑延年一名石涅
一名石墨出潁川陽城採無時

太一餘糧味甘平無毒主欬逆土氣癥瘕血閉漏下
除邪氣肢節不利大飽絕力身重久服耐寒暑不饑
輕身飛行千里神僊一名石腦生太山山谷九月採

石中黃子味甘平無毒久服輕身延年不老此禹餘糧穀中未成餘糧黃濁水也出餘糧處有之陶云芝品中有石中黃子非也

禹餘糧味甘寒平無毒主欬逆寒熱煩滿下赤白血閉癥瘕大熱療小腹痛結煩疼鍊餌服之不饑輕身延年一名白餘糧生東沔地澤及山崑中或池澤中玉石部中品二十九味

金屑

銀屑

水銀

雄黃

雌黃

殷孽

孔公孽

石腦

石硫黃

陽起石

疑水石

石膏

磁石

立石

理石

土石

膚青

鐵落

鐵

生鐵

銅鐵

鐵精

光明鹽

絲鹽

蜜陀僧

桃花石

珊瑚

石花

石牀

金屑味辛平有毒主鎮精神堅骨髓通利五臟除邪

毒氣服之神僊生益州採無時

銀屑味辛平有毒主安五臟定心神止驚悸除邪氣

久服輕身長年生永昌採無時

水銀味辛寒有毒主疥癬痂瘍白禿殺皮膚中蟲墮

胎除熱以傳男子陰陰消無氣殺金銀銅錫毒鎔化
還復爲丹久服神僊不死一名永生符陵平土出於
丹砂

雄黃味苦甘平寒大溫有毒主寒熱鼠瘻惡瘡疽痔
死肌癰疥蟲蠱瘡目痛鼻中息肉及絕筋破骨百節
中人風積聚瘕氣中惡腹痛鬼疰殺精物惡鬼邪氣
百蟲毒勝五兵殺諸蛇虺毒解藜蘆毒悅澤人面鍊
食之輕身神僊餌服之皆飛入人腦中勝鬼神延年
益壽保中不饑得銅可作金一名黃食石生武都山
谷燉煌山之陽採無時